



QEQERTALIK
BUSINESS COUNCIL
A/S

📍 Niels Egedesvej 6
PO Box 100
3950 Aasiaat
☎ (+299) 55 82 82
✉ gerth@qbc.gl
🌐 www.qbc.gl

Ukiortaami tamassi pilluaritsi!

Qujanarlu maani ataatsimooritsinni oqalugiaateqarsinnaangama.

Tassa inissippunga tulluaqqinnaartumik, ukiumi nutaami maani immitsinnut ilasseqatigiissinnaallutalu attaveqatigiissinnaasarnissaq siunertaralugu katerisimaarnitsinni. Qularinngilarami arlaatigut maaniittugut soqutigisaqatigiissasugut kommunerput pitsaanerpaamik eqqarsaatingalugu.

Kommune Qeqertalik inuussutissarsiuteqarnermik takornariaqarnermillu siuarsaanissamik suliniuteqartussamik aningaasaliinikuuvoq 2023-p tungaanut, tassangaanniillu aamma sivittoqqissinnaasumik.

Qeqertalik Business Council taamaasilluni pinngorpoq, tamannalu kommunalbestyrelsimit pingaartinneqarluni sallinneqarsimammat qujamasuutissaavoq.

Inuussutissarsiutitigut siunnersuisoqarfittaarput siulersuisunik ilisimasaqarluartunik arfinilinnik issiatitaqarpoq, taakkulu kommunimit, Visit Greenlandimit, Sulisitsisullu Kattuffiata kommunitisinni immikkoortorqarfianiit toqqangaasimapput. Uangalu taakkunanga Qeqertalik Business Councilimi kiisalu Destination Diskobayimi pisortatut toqqangaasimallunga. Nammineerlunga naatsorsuutingaara kommunitisinni inuussutissarsiuteqarnermik takornariaqarnermillu siursaaqataasusunik 2-3-nik aamma suleqateqalerumaarlunga.

Tamanna nuannaarutissaavoq annertoq. Tassami maannakkut suliffeqarfinnik aallarnisaarusuttunik siunnersuisinnaanissarput ukkatarineqarnerulissooq, saniatigullu kommunitisinni namminersortunut pioreersunut pikkorissartitsisinnaanissamik periarfissaqarnerulernissamut suliniuteqalissalluta.

Inuussutissarsiummik ingerlatsisunik amerlanerusunik kommunitisinni pisariaqartitsivugut – kisianni tamanna inummi namminerminiippoq, taassumalu kommunitisini periarfissani eqqummaariffingalugit namminersortunngorusunnini sapiiffigisariaqarjaa. Tassani uagut siunnersuisoqatigiinneersugut, aallartisalernerimi sinnattut piviusunngortsinnissaannut siunnersuillutalu pikkorissartitsinissamut piareersimassuugut.

Inuussutissarsiutinik ingerlataqartut sulisuisalu sanaartornerup iluaniikkaluarpata, takornarialerinerup-, aatsitassarsiornerup- imaluunniit peqqinnissaqarfimmiit paaqqinnittarfinniilluunniit aallaveqaraluarpata, pitsaanerusumik atugassaqartinneqarnissaat suleqataaffingerusupparput, tassanilu aqqutissiuinitsigut eqqortumik aalajangiinissaat anguniarlugulu, pikkorissarneqarsinnaanissaannut ikorfartuissuugut.

Ilisimasaqarnerput attaveqarluarnerpullu tunngavingalugu sinnattussi ineritsikkiartornissaanut ikorfartuisinnaasuugut, nalinginnaasumik amerlanernik ilisimaneqanngikkaluartunik. Assersuutigiinnartigu pisortat AMA-mut PKU-mullu ikorsiissutinut inatsisaat, tassa sulisitsisut sulisuminnut pikkorissartitsisinnaanissaannut ikorsiissutit, taavalu ilinniagaqanngitsunut pikkorissartitsinissamik ikorsiissutissaataat. Imaaluunniit Innovation Greenlandimiiit assigiinngitsutigut ikorsiissutaat tapiissutaallu periarfissaasut aamma.



QEQERTALIK
BUSINESS COUNCIL
A/S

📍 Niels Egedesvej 6
PO Box 100
3950 Aasiaat
☎ (+299) 55 82 82
✉ gerth@qbc.gl
🌐 www.qbc.gl

Periarfissat uku taakkartukkakka ilaatigut atorlugit, illoqarfitsinni nunaqarfitsinnilu piginnaasavut ukkatarinerulissuagut, taamaasillutalu ataatsimoorussamik tunniussinnaasavut, uatsinnut nunarsuullu sinneranut takutissinnaalerlutigit.

Taamaattumik piffissanngorpoq, inuit aallartisaanissamik eqqarsaatillit sinnattuminnik piviusunngortitsinissaannut – maannakkummi uagut aqqutingaluta atortugissaaruteqarnerulissapput, aallartisaanissamup piviusunngortitsinissaannut ikorfartorneqarsinnaalerlutik.

Siunissami qaninnerusumi kommunip iluani namminersortut ilasseqatiginissaat oqaloqatiginissaalu pilersaarutingaara, aallaqqaataaniik illugiilluta oqaloqagiilluarsinnaanissarput anguniarlugu, taavalu ataqatigiinnerup iluaqutissaanik oqariartuuteqarnissamik siammarsaarusunnera toqqammavingalugu.

Aallarnisaarusuttunut namminersortunullu oqalliffimmik tunniusimasumik pilersitsisussaasuugut, ataatsimoorluta ikioqatigiillutalu kommunimut inuussutissarsiorinissamut pilersaarummik toqqammaviusussamik aqqutissarsiuussisariaqaratta.

Ilaa isumaqatigiissutigisinnaavarpummi, una siunnersuusiassa q ilissi maani susassaqtitsisut allallu aallarnisaarusuttut peqatingalugit, kommunalbestyrelsimi aalajangiilluarnissaannut aqqutissiuutaasinnaalluurtumik pilersitsisussaasuugut, tamannalu kommunimi illoqarfitsinni nunaqarfitsinnilu inuussutissarsiuuteqarnerup pitsanngorsarnissaanut sinaakkutassiassanngorlugu.

Takornariaqarnermulli tunngatillugu

Qeqertalimmi suliffeqarfiit takornariaqarnerlu COVID-19-mik aamma eqqungaangaatsiarput. Qujanartumillu immiiginnarneqarsimangilagut, tassami Naalakkersuisut ikiorsiissutinik assigiinngitsunik namminersortunut ikiorsiissutinik tapiissuteqaqattaarpoq, taamatullu inuussutissarsiutillit aanaartoortinnarneqarnatik nualluussarmiit annassinnaalersimallutik. Tamannalu aamma qujamasuutissaasoq puiussanngilarput.

Coronap kingunipilui sumiiffinni arlalinni takornariaqarnermik aamma unitsitsivoq, taamaattorli massakkt piffissaqarluarluta piunmassuseqarlutalu, kommunerput orniginarsarluarumallugu, pilersaarusanik sammisaqartitsinissanillu piareersaasuugut. Qaa periarfissaq una atorluartigu, ataatsimoorinikkummi nukittunerusinnaavugut, taamaasillutalu takornariaqarneq sikkeraqqilersissinnaallutigu.

Tassami takornariaqarnerup ingerlalualeqqinnissaanut isumalluarpugut, minnerunngitsumik Ilulissani Nuummilu mittarfissuussat naammassinissaannut, tamannami qularutiginnilara kommunitinnut aamma sunniuteqarumaartoq. Nalunngilara Ilulissat takornariaqarfissuusoq allanngorallanngitsorlu, kisianni taamaakkaluartoq orniguttuutaannik oqilisaatsigit. Namminerlu tunutsinni kusanaqisumi pissanganartorpassuarnik neqeroorusiorluta takornarissat qammartigit.

Naalakkersuisut Visit Greenlandillu 2023 tungaanut takornariaqarnermut periusissiaannut nalimmassakannissuugut, neriutingaaralu ataatsimoorunnikkut anguniarsinnaassallutigit.



QEQERTALIK
BUSINESS COUNCIL
A/S

📍 Niels Egedesvej 6
PO Box 100
3950 Aasiaat
☎ (+299) 55 82 82
✉ gerth@qbc.gl
🌐 www.qbc.gl

Tassa ilaatigut imai ukuupput, tikerartoortalernissatsinnut tikilluaqqusilluarsinnaanissatsinnullu piareersaanissaq, soorlu unnuisarfinnik amerlanernik pilersitsinissaq imaluunniit takornariat umiarsuaannut tikittunut illoqarfiup iluani perusuersartarfinnik pilersitsinissaq.

Takornarissat amerlanerusunik immikkuullarissunik misigisassaqtinneqarnissaat, adventure turismemik taaneqartartoq, tassa pinngortitarput avatangiiserpullu atorluarlugu asimi takornariartitsineq.

Nutaaliorinnaassuserput pinngorartitsinnaassuserpullu atorluartariaqarparput, ilaatigut susassaqtitsinerit tingussaannerusut pilersikkuminarnerusullu atorluarlugit.

Tamakkuli aamma piginnaasatsinnik qaffassaanissamik pisariaqartitsipput, ilisimasanik ingerlatitseqqiinnikkut pikkorissaanikkullu angusinnaalluakkatsinnik.

Taamaattumik kommunitisinni nunaqqativut inuussutissarsiortuvullu kaammattorusuppakka, Kangaatsiamiikkaluaruit Kitsissuarsunniikkaluaruilluunniit, eqqarsaatigilluaqqullugu ilumut piffissanngulinnginnerisq illut inoqanngitsut iluarsaattueteriarlugit takornarissanut allanulluni unnuivissanngorlugit suliaassanngulinnginnerisut? Tassami tikeraat Kalaallit Nunarput eqqortoq misingerusuttarpaat, tamannalu ilissi illoqarfissinni nunaqarfissinnilu pivoq.

Suliffissi saniatigut nukissaqarlusilu piumassuseqarussi, pikkorissarnissamut ilinniaqqinnissamullu periarfissanik ujartuingitsi, taamaasillusilu nammineerlusi takornarissanik angallassinnaalerlusi. Uangut sinaakkusersueqataajumaarpugut, soorlu Campus Kujalleq ikiorsiullugu, takornariaqarnermut pikkorissarlusilu ilinniaqqissinnaallusi.

Tassami ilisserpiaat sumiiffisi ilisimasaqarfigineruasi, ilisserpiaallu takornarissanik, nammineerlusi misilittakkasi oqaluttuassasilu tunngavingalugit, piviusunik misigisaqartitsinnaavusi.

Nalunngilarput takornarissanik amerlasuukkaarsuarniik, takornarissanik ikinnerusunik nalinginnaanngitsunik immikkuullarissunik pitsaasunillu neqeroorfigineqarusuttunik piumanerulluta. Kisiannili takornariarpasuit umiarsuartigut tikittartut aamma avaqqussinnaanngilagut, taamaattumik aamma taakkununga tigussaannerusunik pilersitsinissaq misigisaqartitsinissarlu pisariaqarpoq.

Annikkaluamilluunniit, soorlu maani angerlarsimaffitsinni ileqqorput malillugu kaffisortitsinikkut, imaluunniit qimmeqaruit qimussertarlutillu umiatsiaqaruilluunniit, angallassinnaanissamut akuersissuteqalernissamut ujartuinikkut. Tassami takornarissat piviusunik misigisaqarusupput, qimminilluunniit nerlersuinerungaluarpat aamma.

Taamaattumik ataatsimoorluta eqqarsaatersuuteqarta, kommunitisinnilu qanoq isilluta pinngorartitsinnaanarput piviusunngortillugu. Piumassuseqartunummigooq aqqtissaqarpoq!

Naggasiutingalugu oqaluttuanngumik piviusumik nuannerluinnartumik saqqummiiffigilaarusuppassi. Tassaana ikinnguteqarama Nuup eqqaani adventure turismelerinermikkut ingerlalluakuttoornikunik. Taakkua pisoorsuarnut immikkuullarissunik asimi misigisaqarusuttunut, tammaarfissamik immikkuullarilluinnartumik pilersitsinikuupput. Tammaarfitsik avinngarusimarpat sillugu kangerluup iluanut inissinnikuaat, kiassakkanik tupilersorlugulu nuannersorsuarnillu pequtsersorlugu.



QEQERTALIK
BUSINESS COUNCIL
A/S

📍 Niels Egedesvej 6
PO Box 100
3950 Aasiaat
☎ (+299) 55 82 82
✉ gerth@qbc.gl
🌐 www.qbc.gl

Tammaarsimaartut qaqqat akornanni taffanneqartarput, helikopterinik takornariartinneqartarput, allaat immap naqqanut aqqartinneqarsinnaasimallutik. Takornarissat aningaasaatilissuit nunatta pissarititaanik pitsaanerpaanik, ingasorsuarmik ingasulerlutik, misilittaatinneqartarput, ullorlu naggaserlugu seqernup tarrikiartornera isikkiviliullugu silami jacuzzimi kissalaartumi kinisimaajutingalutik champagneamik skåålerput.

Taakku aaqqissuullutik ataqatigiissaarisut inuit eqqortut isumaqatigiissusiorfiginik, ataatsimoorlutik periarfissarpassuarnik susassaqtitsinernillu piviusunngortitsisimapput.

Tassami takornarissat uku pineqartut, aningaasaatilissuupput immikkuullarissumillu misigisaqarusullutik. Akissaqarluartillugit, periarfissanik immikkuullarilluinnartunik misigisaqtitsinissamut matunik ammaasarpog, taakkulu susassaqtitsisunut allanut aamma ingerlaartarpog. Qaa malittut sunniutai allanut aamma ingerlaartinnissaa suliniutigigitu.

Kissaatigilluinnarparalu kommunitta iluani ataatsimoorluta suleqatigiilluarumaartugut.

Qujanaq